

Cansun dal Carlavèe d' CIVAREU dal 2006

Quant ca jeru ancòo masnai
(‘n po’ d’ matai e quat matàcci)
‘n tropa i nevu par ja strai
mascherai cun pochi stracci,
tucji su ‘nt’la spasacà
par girèe da cà an cà.



Na basaca, ‘n urinariu,
na divisa da laurèe,
l’èra tutt straordinariu
l’èra lì... ‘l neust carlavèe.
Dèss ad nòc t’ at seri sù
e nèe an vègia a s’usa più!

Ma i ricordi nutta i bugiu
‘n fund dal còr, na lèssu stèe
peui da colp i sa disvegiu
quant ca riva cià faurèe.
E na tacca na stremissiu...
La cansun!! Matai fé prestu.



Cumè l’è cl’è stacc a st’ ann?
Bel o brüt o ‘n po’ miscià?
E al temp a l’è facc dagn?
Al neust Mario que cal fà?
Ben adess i ga pensuma,
peui an rima i v’lu diuma!

Fiòcca più, tucc i dievu,
l’è più giusta la stagiun,
e a la fin tucc ga credevu
e in fin fàssi l’illusiun,
che l’invern fùsa finì
prima ‘ncò da sigghi quì.



Ma ‘d genèe al vintasètt
l’è cambià la situasiun,
e giù fiòcca par dispètt
par gavèe la cunvinsiun
che l’invern (cl’è ‘l temp dal ravi)
l’è mangiaslu al “lúf” e ‘l “cravi”.

Cumè ‘l piaighi già ‘nt l’Egit
in sautàni fora i rait,
t’ia truvevi dapartút
‘nt la cantina, ‘nt l’ort, ‘nt’i prai.
Jeru piti, runt, giaunin,
jeru rait... ma fin carin !

Chi cun l’ava, colla, trapuli
jn cercà da nèe sraséi,
par salvèe patati e taculi
par lassèe sduvert la sèi.
Ma se cent at nu masevi,
cent ad jait at nu truvevi
(peui cumè ch’jn gnui jn nai
lasant tucc disucupai).



Dopu tanti lumenteli
in gnui fora anca i func,
‘t nu truvevi a civeri
riva cà, propriu ‘nt’al cunc.
Sun fin vist na roba rara,
...too sù i func daurènt la scala...

‘L ghè la fogna a Villa Sora
e na disu cl’è ‘l prugrèss,
l’è passanni fin la pora
ca s’antasi sempri ‘l cèss,
e tranquij puduma stèe
sansa tampa da spasèe.
Nt’un bèll tubu tutt v’è ‘n giù
e parè s’nu parla più.

Ma se ‘s varda culli strai,
ta fan nèe ‘l mural par tèra
‘d l’Albania in fin rivai
piantèe sàss e slarghèe tèra.
A la fin tutt cul carèt
al fà nutta an bel effèt.

An cumpens al neust Paulin,
par mia vugghi na purcà,
l’è mutussi, pian pianin
fèe ‘l carèt darè la cà.
E parè ‘l po’ scungjurèe
‘d picchè ‘l cù e mia squarèe.

Anca an gesa ‘d nuvità,
nu ghè sempri da trattèe,
an neuf prèvi l’è rivà
l’è già ora da cambièe.
Gnanc facc temp nèe via ‘l Tunin,
al ghè più... gnanca ‘l Zaquin.

Da Murunt e da Camas
l’è rivanni al sostituto,
Padre Angelo na pias,
noi ga dumma al benvenuto.
Cun preghiera da stèe qui
par dees agn o giù da lì.

E par fortuna ca ‘l ghè ‘l Mario
che lu juta nt’la funsiun,
e ga tèn al calendario
d’festi e mèssi ad devusiun.
E se peui a fiocca giù,
cièll lu càrga e porta sù !

Tra puntècc e ‘mpalcaduri,
dinti ‘n gesa al ghè i pittor,
a l’è ‘n ann chi scrustu muri,
ma i von fèe an capulavor?.
Da stu pass, se tutt va bèn
sarà prunta l’ann ca vèn?

Fantasia an quantità
i gan döss i fabbricer,
ch’jan butàssi custa istà
a fèe anca i pasticer.
Tutt l’è bün par culla gesa
e gnii ‘ncuntra a tanta spesa.

E ‘l neust coro que c’al fà...
i sèi dimi brava gent?
Dòì agn fà l’è stacc blucà
sensa tenta cumpliment.
Ma cun n’aria ‘d nuvità,
cume quant ca buffa ‘l vent,
al neust coro l’è turnà
e tucc quent suma cuntent.



Giù la Villa ‘nver la scola,
si sei nutta v’lu dicc mi,
an quaidun al fà la spola,
dal gran rüs al porta lì.
Mi ma smia ca l’è strano,
ma cul rüs l’è mia... “nostrano”.

Dèss l’è l’ora di cinghiai,
sla cansùn i mancu mai,
anca st’ann jan facc purcai,
in rivanni drè dal cai.
Da su ‘l Piani a Villa Sora
tutti ‘l prai in runcà sù,
di gran beuggi chi fàn pora,
nu pudumma tosti più.

Ma cuntent jn cui amis
che d’la caccia in sfegatai,
dant na màn par al pais,
jan facc strage da cinghiai.
Na stagiùn da ‘ncurnisèe...
e ‘d salaim peui da mangèe...

Nu ghè jun ca l’è truvassi
al cinghial darè la cà,
sansa sciòpp a l’è gavassi
da masèlu bèli là.
E ‘nt’un attim l’è furnì,
‘nt la padèlla... an salmi.

Al Paolino, stèmi a senti,
cun i bes-ci ga sa fèe,
i suoi gài ga dan da menti,
e a spàss ja lèssa nèe,
peui ti-a trovi, cun sorpresa,
satà giù ‘nt’na banca an gesa.

A spò nutta smantighèe
tucc j’ amis che cun passiùn,
da trent’agn sa dàn da fèe
par al bèn ad la frassiùn.
E alla PRO guenta brindèe
par c’la possa continuèe...

Ma al temp al passa e l’è già l’ora
da stachèe la crava e peui dèe fora.

...“brusé castegni e cireseui
chi rivu a quattr’ori i Civareui.

Staché giù ‘l pèli, spusté ‘l padeli
chi gnaran sù... dal Pianibeli.

Meutti la musica par fèe anca ‘n bal
ansema al mascheri da tuta la Val.

Deni an quai euro, (fevlu mia dii
che la sacoccia sèi da sduvrii)
par sarèe alegri stu Carlavèe
sperant d’arvugh’ni ancò n’ aut faurèe!!!

Civareu, 28 faurèe dal 2006.

*I rimatori strampalati
del Terzo Millennio (e ses...)*